

Portsmouth ne Arsenal battunka

Ssande, 11:00 akawungeezi
Portsmouth vs Arsenal



OLUVANNYUMA lw'okukuba emipiira 5 egya kasandali, guno gwe mupiira omutuufu Arsenal kw'erina okuwummulira.

Emipiira gya Arsenal mu ggandaalo lya Ssekukkulu gibadde minene nga Arteta n'abazannyi tebalina we banywera ku tuzzi. Naye Katonda yabasaasidde ne batanuubulwa nnyo ate nga b'evuganya basudde bubonero ekyali tekisuubirwa.

Portsmouth ye ttiimu gye batandika nayo kaweefube w'okulaga ensi nti basobola okuwangula ebikopo 3 nga ManU bwe yakikola mu 1999. Wmabegako, Arsene Wenger yafuula FA Cup eky'a Arsenal era ye ttiimu ekyasinze okukiwangula. Kyokka okuva Arteta bwe yakiwangula emyaka 5 emabega, Arsenal esiitaanye okubaako ky'ekola.

Portsmouth eri mu Championship nga tekola bulungi kuba eyinza okusalwako bw'eteerwanako. Emipiira 5 egisembyeyo, etereezezzaamu (ewan-guddeko 2, amaliri 2 ne loosi 1). Arsenal ebakubye emipiira 5 egiddiriŋŋana era mu nsisinkano zaabwe 10 ezisembyeyo, Portsmouth terinaamu wiini.



PORTSMOUTH – ARSENAL

1	X	2
11.00	6.70	1.23

WWW.FORTEBET.UG